

www.BibleForChildren.org

Mose 3



Buna Adami wuvana kudi nketo andi zina di Eva, bu dibangudulu: «“Wumoyo”», bila niandi ngudi yi babo badi moyo.




Buna nioka yilutila bukhita mu bulu
bibio bi nsitu bivanga Yave Nzambi.
Yiyuvula nketo: «Mu kedika Nzambi
wulukembi: "Kadi dieno kadi dikundi
di ndima?"»




Nketo wuvutula
kudi nioka: «Beto
tulenda dia makundi
ma minti midi mu ndima.

Vayi mu matedi makundi ma nti widi va
khati nsitu, Nzambi wutukembi: "Ka lulendi
ku madia ko ayi ka lulendi ku masimba ko
muingi luedi fua."»



Nioka yikamba
kudi nketo: «Nana,
lumfueno ko. Bila
Nzambi zebi ti lumbu
luela dia mawu, meso meno mela zibuka,
ayi luela ba banga ba nzambi mu zaba
mambote ayi mambi.»



Nketo wumona ti makundi ma nti
maba makitoko mu tala, mambote mu
dia ayi mazolakana mu vana phisulu.
Wubonga dikundi di nti wowo, wudia
diawu, wutambika kudi bakala diandi
wuba yandi va kimosi,
yandi phe
wudia diawu.



Buna meso ma bawu bole mazibuka,
bavisa ti pheni baba. Landila mambu
momo, babonga meza ma nti kuyu
mawu bakanga mu luketo
banga minlele.






Buna Yave

Nzambi wutela bakala ayi wunyuvula:

«Kue widi?» Yandi wuvutula: «Nguilu phova aku mu ndima, mbueni tsihi, bila pheni ndidi, diawu tsuamini.»





Vayi Yave


Nzambi wunyuvula

diaka: «Nani wukembi ti pheni widi? A bue ngeyo didi kuaku dikundi dinti di ndikukandikila mu dia?»




Bakala wuvutula: «Nketo wuwupheni mu kala yami, niandi wupheni dikundi dinti wowo ayi ndidi diawu.» Yave Nzambi wukamba kudi nketo: «Bila mbi vangidi diambu diphila yayi?» Nketo wuvutula: «Nioka yiphunini diawu ndididi diawu.»






Buna Yave Nzambi wunkuka mu nsitu
wuba mu Edeni muingi kakunanga
mu ntoto mukabongo.





Nzambi bu kakuka mutu, wutula ba
keluba ku ndambu yintotukilanga
thangu yi nsitu wuba mu Edeni ayi
sabala kinlemanga,
kinzungananga muamo mu
tanina nzila
nti wumoyo.




Adami wuzaba nketo andi Eva. Yandi wubaka buemba,
wubuta muana wu bakala, wumvana zina Khayini.

Wunkamba: «Mbutidi muana wu bakala mu lusadusu lu
Yave.» Wubuta diaka khomba Khayini, wukavana zina
di Abeli. Abeli wuba mvungi mameme,
Khayini, nkuni wu zitsola.




Lumbu kimosi, Khayini wunata mim'butu mintoto mi kayonzika mu vana nkayilu kudi Yave. Abeli phe wunata nkayilu wu bana ba mameme ba kitoko ayi manzi mawu. Diawu Yave wuyangalala mu Abeli ayi nkayilu andi. Vayi kasi yangalala ko mu Khayini ayi nkayilu andi. Diawu dimfuemisa ngolo ayi zizi kiandi kiba na yindindi.



Vayi Kayini wukamba khomba andi Abeli: «Bika tutotuka kueto ayi tueyendingi malembe malembe.» Bu batula ku nsitu, Khayini wubuila Abeli, khomba andi ayi wumvonda.




Yave wuyuvula Khayini: «Kue kuidi Abeli, khomba aku?» Khayini wuvutula : «Nzebiامي ko. Minu ndidi nkebi khomba ami?» Buna Khayini wubotuka va zizi ki Yave, wuyenda kadi mu tsi Nodi, yidi ku ntotukilanga thangu ku Edeni.



Adami wuzaba diaka nketo andi. Eva wubuta muana bakala, wumvana zina di Seti, bila wukamba: «Yave wupheni muana wunkaka va fulu ki Abeli wubavonda kudi Khayini.»



Lumbu bi Adami landila mbutukulu yi Seti biba khama nana yimimvu. Wubuta bana bankaka babakala ayi babaketo. Lumbu bibio bizinga Adami biba khama vua ayi makumi matatu ma mimvu ayi wuyiza fua.



Nzambi wumona ti mambi ma batu mayiza ba
mawombo va ntoto, mabanza ma ntima
miawu maba mambi ayi makani mawu
maba mu vanga kaka mambi.




Yave wukamba: «Ndieka mfukisa va ntoto
mutu wundivanga, tona mu mutu tii bibulu
bi fioti ayi binene, ayi zinuni zi zulu,
bila ndiongini bu ndibivanga.»




Vayi Nowa wumonokono nlemvo va meso ma Yave. Wubuta bana batatu babakala: Semi, Hami ayi Yafeti.





2



60



Mose 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Yombe OT (yom) ©2024 Seed Company in coordination
with Forum Communautaire des Traducteurs de la Bible et
Alphabétisation

<https://www.bible.com/en-GB/bible/3928/GEN.1.YOM-CD>

©2026 Bible for Children, Inc.

www.M1914.org www.bibleforchildren.org

